

# Biblia para kadagiti Ubbing iparangna



## Ni Noe ken ti Dakkel a Layus



Sinurat ni: Edward Hughes  
Inladawan ni: Byron Unger; Lazarus

Inpatarus ni: Christian Lingua  
Inadaptar ni: M. Maillot; Tammy S.

Istoria 3 ti 60

[www.M1914.org](http://www.M1914.org)

*Bible for Children, PO Box 3, Winnipeg, MB R3C 2G1 Canada*  
Lisensia: Adda karbengam a magkopia wenno mangiprinta iti daytoy nga istoria basta saan mo nga ilako daytoy.

Ilocano

Ni Noe ket maysa a tao nga agdaydayaw iti Dios. Aminen dagiti dadduma ket kagura ken sukirenda ti Dios. Maysa nga aldaw adda imbaga ti Dios a makapakellaat.




"Dadaelekto ti daytoy nadakes a lubong," kinuna ti Dios ken ni Noe. "Ti laeng pamilyam ti maisalakan."

1

Binallaagan ti Dios ni Noe nga adda ti dakkel a layus nga umay ket lipusenna ti lubong. Naibilin ken ni Noe, "Mangaramidka iti daong a kayo, dakkel a daong nga umayan ti pamilyam ken dagiti adu nga animal."



2



Mabalin nga inuy-uyaw dagiti tattao ni Noe kas ipalpalawagna nu apay nga agar-aramid iti daong. Intultuloy

latta ni Noe ti nagaramid. Intultuloyna met nga inkaskasaba kadagiti tattao ti maipapan iti Dios. Ngem awan ti dimngeg.

3



Dakkel ti pammati ni Noe. Namati isuna iti Dios nupay awan pay pulos ti tudo idi. Iti saan a mabayag mabalinen a kargaan ti daong kadagiti mausar.

4



Immay metten dagiti animal. Inyeg ti Dios ti pito kadagiti dadduma a kita, dua met kadagiti dadduma.

5




Dagiti billit dadakkel ken babassit, dagiti animal babassit ket dadakkel ket napanda amin iti daong.

6



Mabalin a linalais dagiti tattao ni Noe kas ikarkargana dagiti animal. Saanda a nagsardeng a nagbasol maibusor iti Dios. Saanda a nagkiddaw a sumakay iti daong.


7



Kalpasanna, nakaluganen Dagiti amin nga animal ken billit.


"Sumrekkan iti daong," inyawis ti Dios ken ni Noe. "Sika ken ti pamiliam." Ni Noe ken ti asawana, dagiti tallo nga annakda ken dagiti assawada ket simrek iti daong. Kalpasanna inserran ti Dios ti ruangan!

8




Immay ti tudo. Rinusep ti napigsa a tudo ti daga iti las-ud ti uppat a pulo a bigat ken rabii. Nalayos dagiti il-ili ken bar-bario. Idi nagsardeng ti tudo, uray dagiti bantay ket linipus ti danum. Natay amin nga adda angesna.

9




Kas umadalem ti danum, tumpaw met nga agpangato ti daong. Mabalin a nasipnget idia y unegna, mabalin a nagaraw, mabalin pay a nakabutbuteng. Ngem sinalakniban ti daong ni Noe manipud iti layus.

10




Kalpasan ti lima a bulan a panaglayus, nangibaon ti Dios iti angin a mangpamaga.

11



In-inut, simmadsad ti daong iti nangato a kabambantayan ti Ararat. Nagtalinaed ni Noe idia y uneg ti daong iti uppat a pulo pay nga aldaw kas bumabbaba ti danum.

12



Nangibaon ni Noe iti maysa nga uwwak ken maysa a kalapati manipud iti nakalukat a tawa ti daong.

Gapu ta awan ti masapulan a nadalus a lugar a pagdissoan, nagsubli ti kalapati ken ni Noe. Kalpasan ti maysa a lawas, pinadas manen ni Noe. Nagsubli ti kalapati nga addaan iti bulong ti olibo iti sippitna. Iti sumaruno a lawas ammon ni Noe a namagan ti daga agsipud ta saanen a nagsubli pay ti kalapati.

13



Imbaga ti Dios ken ni Noe a panawenen tapno panawanda ti daong. Inruar ngarud ti pamilia ni Noe dagiti animal.

14

Napalalo ti panagyaman ni Noe! Nangpatakder isuna iti maysa nga altar ket nagdayaw iti Dios a


nangisalakan kenkuana ken iti pamiliana manipud iti nakabutbuteng a layus.



15

Nangted ti Dios ken ni Noe iti nakaskasdaaw a kari. Saanton pulos a mangyeg iti layus tapno ukomenna ti basol ti tao.


Nangted ti Dios iti dakkel a palagip para iti karina. Ti bulalayaw ket pagilasinan iti kari ti Dios.



16

Nasarakan ni Noe ken ti pamiliana ti baro a rugi kalpasan ti layus. Iti panaglabas ti panawen pinunno manen dagiti kaputotanna ti entero a daga. Nagtaud amin dagiti nasion ti lubong

manipud ken ni Noe ken kadagiti anakna.



17

Ni Noe ken ti Dakkel a Layus

Ti istoria manipud iti Sao ti Dios, ti Biblia

ket masarakan iti

Genesis 6 - 10

"Mangted iti lawag ti iseserrek ti saom."

Salmo 119:130

18

Ammo ti Dios a nakaaramid tayo kadagiti dakes a bambanag, nga aw-awaganna iti basol. i dusa ti basol ket patay.

Ay-ayatennatayo unay ti Dios ta imbaonna ti Anakna, a ni Jesus, tapno matay idiy Krus ken bayadanna ti dusatayo. Nagungar ni Jesus ken nagsubli idiy Langit! Mabalinen a pakawanen ita ti Dios dagiti basoltayo.

Nu kayatmo a tallikudan dagiti basbasolmo, ibagam daytoy iti Dios: Apo Dios, mamatiak a natay ni Jesus para kaniak ket sibibiag manen ita. Umayka kadi iti biagko ken pakawanem dagiti basolko, tapno maaddaanak iti baro a biag, ken kalpasanna ket makikaaddaak Kenka iti agnanayon. Tulungannak nga agbiag para Kenka kas anakmo. Amen. Juan 3:16

Basaem ti Biblia ken makisaritaka iti Dios iti tunggal aldaw!